

28.01.2012

Luca D'Ambrosios Referat

Wie unser Mitglied Luca D'Ambrosio gerade berichtete, hatte er in der letzten Woche das Vergnügen, in St. Ulrich, d.h. im Sitz des Schachklubs Gröden, dem Südtiroler Rekordmeister, ein Referat zu halten. Eine verbreitete Redensart ist *nemo propheta in patria* (Der Prophet gilt nichts im eigenen Lande), aber sein Vortrag war recht erfolgreich und wurde sogar in einem [Artikel](#) berücksichtigt ... in Ladinisch!



I jëuni che à jugà pra l Grand Prix a Ridnaun: Matthias Kasslatter, Gabriel Prinoth, David Dejori, Nadia Kasslatter y Elia Bergmeister.

Sesto di y sesta vënta per l Gherdëina l

La ie jita drèt bën per la scuadres d'la Lia Schach Gherdëina tla ancuntes per l Campiunat Provinzial a scuadres. De bie resultac nce per i plu jëuni che à fat pea pra l Grand Prix

Schach - Serie A: cun nia puecia fadia à la prima squadra d'la Lia Schach Gherdëina venciù l sesto di ai 14 de jené 2012 n cësa cun l Naturals II per 3,5 a 2,5. Scebën ndebilda pervia che l manciava vel' jugadëur, ratöven che la vënta fossa stata na cossa saurida. Dut auter! N' à abù cin' ëura y mesa per stórjer la segunda squadra dl Naturals, che teniva permez cun artienenza. Venciù à Ruben Bernardi y Franz Prinoth, remis à fat Rainer Demetz, Thomas Moroder y Manuel Taschler. Chësc ultimo à jugà per l segundo iede tla serie A, dajan cun si mez pont si contribut ala vënta d'la squadra. L Gherdëina l ie nscila al mumënt for mo al segundo post tla classifica d'la serie A cun 12 ponc, do l Merania, ònghe cun 12 ponc, y dan l Persenon/ Milland cun 11 ponc.

Serie B: per la serie B iel da repurté finalmënter na bela nutizia! Per 3,5 a 1,5 à batù bendeboot sauri l Steinegg. Si partides à venciù Bruno Goller y Rifat Kazazi, remis à fat Klaus Knottner, Johann Grossrubatscher y Iacun Prugger. Chësc resultat à sburdà l Gherdëina II al decimo post d'la serie B cun 3 ponc. N spera che la vede inant cun l medemo sgors!

Serie C-est: la terza squadra dl

Gherdëina à ancuntà n cësa l Niederdorf, l luech da na gran tradizion tl juech dl Schach te Südtirol. Iust perchël iel da auzé ora l bel resultat a për per 2,5 a 2,5 arjont dai patrons de cësa. Siegfried Senoner y Pauline Taschler à venciù, David Dejori à contribui cun na remis. L Gherdëina III ie sën al quinto post d'la classifica cun 4 ponc.

Grand Prix di Jëuni a Ridnaun

Cin jëuni d'la Lia Schach Gherdëina ie jic n dumënia ai 15 de jené a Ridnaun a fé pea pra l cuarto turnoi dl Grand Prix 2011/12, ruvan inò a cësa cun propi de bon resultat. David Dejori à arjont n bonissimo terzo post tla categoria di mutons sot a 14 ani cun 5,5 ponc. Matthias Kasslatter se à classificà sesto cun 4,5 ponc y Gabriel Prinoth 14ejim cun 2,5 ponc. Nadia Kasslatter ie chëst iede ruveda al segundo plazamënt tla categoria d'la mutans sot a 10 ani cun 4,5 ponc. Elia Bergmeister, tla categoria di mutons sot a 10 ani, à arjont cun 4 ponc l cuarto post. Chësc jëuni ie la speranza dl dauni d'la Lia Schach Gherdëina!

La storia di Schach te Südtirol dal Medieue

incà

Referat dl dut. Luca D'Ambrosio teni n lunesc ai 16 de jené a Urtijei. Sun rivit d'la Lia Schach Gherdëina, à l storich de Schach dut. Luca D'Ambrosio teni a Urtijei n belissimo referat n cont d'la storia dl Schach te Südtirol, scumencian dala fin dl 1200 nchin a do la segunda gran viera. L ie propi da se fé marueia tan de documënc, munëides, chedri y dantaldu libri che à da n fé cun l argumënt dl Schach che l ie mo al didancuei da udèi y amiré y che conta che l univa fat al Schach da nëus da almancò 800 ani incà. Duc chëi che ie unic a scutè su chësc referat à bele sën pudù ti cialé a de bela vedla fotografies di gran turnois internazionei de Maran di ani 1924 y 1926. Chësc material unirà ntan l ann 2012 publicà dal dut. D'Ambrosio te si liber de passa 400 plates che trata de chësc turnois.

L ie na gran fertuna che te nota provinzia ons cun l dut. D'Ambrosio n storich de Schach apasciunà che bele sën, do n valgun ani de atività te chësc ciamp, à nrescl y abinà adum material che fossa scenó jit perdù per for: bele per chësc possa la cumenanza di jugadëures de Schach, y no mé chësta. l rengraziè de cuer per si lëur de valor. (rd)



Ntan l referat sun la storia dl schach te Südtirol purtà dant dal Dut. Luca D'Ambrosio